



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R. P. Francisci Arias, Societatis Iesv Theologi, Tractatus  
Tres spirituales**

**Arias, Francisco**

**Coloniae, 1615**

17. Mortificationis exemplo multos ædificari, & ad bona opera commoueri.

[urn:nbn:de:hbz:466:1-48767](https://nbn-resolving.org/urn:nbn:de:hbz:466:1-48767)

auxilio firmissimam spem collocare. & repone-  
 nere omnes debent. Deus enim, nisi ipsi illius  
 gratia defuerint, sicut cepit opus bonum, ita  
 perficiet, operans velle & perficere. Et decla-  
 rans quibus medijs obtineatur perseve-  
 rantia, subiicit, nos debere operari salutem  
 nostram in laboribus, in vigiliis, in ele-  
 mosynis, in orationibus, in ieiuniis, & casti-  
 tate. Deinde clarius exponens mortifica-  
 tionis virtutem, adiungit. Scientes  
 quod in spem gloriae, & nondum in gloriam  
 renati sunt, de pugna, quae superest cum car-  
 ne, cum mundo, cum diabolo: in qua victo-  
 res esse non possunt, nisi cum Dei gratia Apo-  
 stolo obtemperent, dicenti: Debitores sumus,  
 non carni, ut secundum carnem viuamus: si  
 enim secundum carnem vixeritis, moriemini:  
 si autem spiritu facta carnis mortificati-  
 neritis, viuetis. Hucusque Concilium.

Rom. 8.

### CAPVT XVII.

Mortificationis exemplo multos adifi-  
 cari, & ad bona opera com-  
 moueri.

Greg. in pa-  
 storali p. 2. c.  
 3 & in prela-  
 dialog. Bern.

**N**ON dubium est, ut sancti Pa-  
 tres confitentur, uti bona do-  
 ctrina multi edificantur & mo-  
 uentur ad vitam pie instituendam, sic  
 bona.

bonæ vitæ exemplo efficacius multò *serm. de S.*  
 plures commoueri. Deum, antequam *Benedicta.*  
 humanam assumeret naturam, visibi-  
 leque virtutis exemplum præberet, co-  
 gnoscebant & imitabantur in mundo  
 pauci, cantabaturque illud Psalmi: *Psalm. 75a*  
*Notum in Iudæa Deus, in Israhel magnum nomē*  
*eius.* In solo enim angulo illo orbis,  
 nempe Palæstina ferè agnoscebatur ve-  
 rus Deus, & colebatur. At postquam  
 Deus factus est homo, seque exemplum  
 spectabile omnibus proposuit nostræ  
 imbecillitati accommodatum, & de eo  
 dictum est, *cœpit Iesus facere, & docere, Act. 1<sup>a</sup>*  
 cognosci cœpit ab omnibus, sicut in  
 persona eius à Propheta Malachia erat *Mal. 1<sup>a</sup>*  
 prædictum. *Ab ortu solis vsque ad oc-*  
*casum magnum est nomen meum in genti-*  
*bus:* nempe quia agnoscebatur, & ado-  
 rabatur pro vero Deo in toto mundo.  
 In conuersione quoque mundi ad Chri-  
 sti fidem, etsi multum effectum sit mi-  
 nisterio prædicationis Euangelicæ, &  
 miraculorum patratione, tamen mul-  
 tò plus profecit S. Apostolorum, Apo-  
 stolicorumque virorum, ac fidelium  
 omnium, qui in communi vitam per-  
 fectam deducebant, exemplum, vt af-  
 firmat Sanctus Chrysostomus. *Genti- Hom. 71. in*  
*les, inquit, plus permoti sunt ad iu- c. 13. Ioan. &*  
*gum*

hom. 6. in 1. gum legis Christi suscipiendum fan-  
 cor. 2. ctitate vitæ, quam miraculis. Et alibi  
 Gentiles, inquit, non miraculis tantum  
 ad credendum adducti sunt, sed etiam  
 vita fidelium integra & sancta, cum  
 num cor essent, & vnicuique ex commu-  
 nibus facultatibus distribueretur, qui-  
 tum opus erat. Et si nunc talem vitam  
 agerent Christiani, totus mundus fa-  
 cile fidei Christi adiungeretur. Sic  
 Chrysostomus. Et certe experientia ip-  
 sa docet, nos reuera insigni virtutis  
 exemplo à magno Dei seruo practi-  
 to magis ad pietatem moueri, quam  
 omnibus concionibus, & admonitio-  
 nibus.

Et quamuis quoduis opus virtutis  
 externum à seruo Dei profectum, effi-  
 cacitatem quandam habeat ad alios in  
 virtutis amorem inflammandos, ni-  
 hilominus mortificationis exercitium  
 in eo genere peculiarem sibi vendicat  
 gratiam. Si enim quispiam ab omnibus  
 delitijs studiose mortificandi, etiam  
 licitis abstineat, amet pœnitentias, et  
 que quæ pœnam & molestiam corpori  
 afferunt, ac præterea nihil in eius vita  
 reprehensione dignum animaduerta-  
 tur, dici non potest, quantum hoc vitæ  
 exemplo alios commoueat ad vitæ an-  
 teacta.

teactæ emendationem, quantum alios  
pudesciat voluptatibus, corporisque  
commodis deditos, ignavos quoque &  
tepidos coarguat, vt ex veterno suo  
emergant. Confirmabimus id exem-  
plis nonnullis, quia (vt diximus) or-  
dinariè plus mouent exempla, quam  
verba.

Commemorat Simeon Metaphra-  
stes, cum S. Saba Abbas in spelūca qua-  
dam delitesceret vnā cū discipulo suo,  
nomine Basilio, qui genere nobilis, &  
diues omnibus relictis statuerat cum  
dicto Patre pœnitentiam agere, nocte  
quadam speluncam ingressos latrones,  
vt inde aliquid abriperent, & cum ni-  
hil apud eos pretio dignum inuenis-  
sent, cœpisse eos cogitare, illos procul-  
dubio homines esse sanctos, qui vitam  
tam inopem, omnibus rebus necessarijs  
deditam ibi traducerent, se verò esse  
homines perditos, & damnationis re-  
os; In qua cogitatione dam essent, cœ-  
pisse vehementer dolere de peccatis, &  
impendentem Dei metuere vindictam:  
occurrisse deinde in vasta solitudine  
ingentes leones; illos verò, cum re-  
medium liberationis aliud non veni-  
ret in mentem, præcepisse, vt propter  
B. Sabæ orationes terga veterent, quòd

*Sur. in De-  
comb.*

O 5 & fe-

& fecerunt, non secus, quam si telis confixi fuisset. Illi verò continuo ad S. Sabam reuerterunt, vitam commutârunt, & manuum labore deinceps vitârunt. Tātum potuit bonum iustorum sanctorum, mortificatorum exemplum.

Nec mouet solum mortificatio peccatores ad corrigendam vitam, abdicando se voluptatibus pœna æterna dignis, sed etiam ad imitandum ipsius virtutis exemplum. Quot enim homines, conspecto aliquo mortificati serui Dei exemplo, excluso omni languore, torporeque ad imitandum se comparant, & quod antè credebant impossibile, experiuntur esse facile? S. Vincentius ordinis Prædicatorum, vt est in eius vita, prædicatione sua non solum prouocabat homines ad internum dolorem de peccatis, sed etiam ad acerrimas corporis diuerberationes, quæ sæpè à multo populo, totisque ciuitatibus circum Ecclesias publicè instituebantur. Id eum in Francia quoque fecisset, accidit Lugduni militem quendam pessimum, qui omnibus erat scandalo, tandem adire sacerdotem, & peccatorum facere exomologesin. Cui sacerdos loco poenitentiae cum iniunxisset, vt in publica

*Vin. Iustin.  
in eiu vita.*

MORTIFICATIONE. 311

aliqua supplicatione disciplinam cum alijs ferret, & ille ægrè tantam pœnitentiam suscipere, nō aliud illi mandavit, quàm vt comitaretur saltem in processione: libenter paruit, & spectaculo verberantium durum illud pectus ad tantum criminum suorum dolorem commotum est, vt detractis vestibus flagro accepto tam immaniter in tergum suum desæuierit, vt circumstantes omnes mouerit ad lachrymas, ac tandem, ne necem sibi immani iteratione ictuum afferret, opus fuerit disciplinam è manibus extorquere. Itaque apud hūc hominem plus valuit bonum exemplum, quàm verborum Confessarij auctoritas; cumque magnum Dei donum sit emollire hominis duri cor ad agendam tam magnam pœnitentiā, facile apparet, quanta sit mortificationis vis & efficacia, maximè cum quo ad mouendum est potentior, hoc Deus quoque procliuius per illam operetur, fiatque aliquando, vt vnus hominis verberatio plurimos, imò totos populos ad idem imitandum permoueat.

Beat<sup>9</sup> Petrus Damianus, Cardinalis, *In eius vita,*  
narrat S. Dominicum Loricatum in *& in Epist.*  
ter ceteras mortificationes, hanc im- *in appendi.*

Q 6

pr

*Biblioth. sa-  
cra.*

primis v̄surpasse, vt totum corpus cœ-  
bris virgarum ictibus in quinque ve-  
sex horas affligeret; totumque interi-  
ctus psalterium, quod memoriae mae-  
dârat, recitaret. Quod exemplum fecit  
vt disciplinæ vsus, in ditione illa, tota  
que patria, in qua morabatur, frequen-  
tari cœperit, non modo inter religio-  
sos, sed etiam inter seculares, viros &  
fœminas, nobiles & ignobiles: tanto  
ardore hanc castigationem suscipiebant,  
vt crederent se hoc genere supplicij om-  
nes pœnas peccatis in alio seculo de-  
bitas expurgaturos. Cur autem serui  
Dei mortificationis exemplo tantope-  
rè homines permoueant, illa vna cau-  
sa est, quod, vt sunt addicti volupta-  
tibus, & illecebris carnis, omnesque  
afflictiones illius refugiunt, vehemen-  
ter admirantur, si quem cernant tan-  
ta virtute præditum, vt omnia huius  
mundi blandimenta contempnat, & tam-  
acribus flagris in hostem domesticum  
seruiat. Hoc ipsum S. Petrus in Episto-  
la canonica obseruauit. Nam cum hor-  
tatus fuisset fideles, vt exemplo Chri-  
sti armarent se contra inordinatas car-  
nis cupiditates; mortificationemque  
crucis Christi amplecterentur, mox ad-  
dit. *In quo admirantur, non concurrentibus*

*Epist. i. c. 4.*

*ad h. c. 4.  
Epist. i. c. 4.  
Epist. i. c. 4.*

*vobis.*



*vobis in eadem luxurie confusione.* Altera causa est, quia peccata ferè cōmittuntur ab hominibus, aut ad capiendam aliquā voluptatem, aut ad euitandam aliquā afflictionem, vel pœnam: cū ergo homines huius seculi vident seruos Dei contemptis carnis blandimentis vltro eam crucifigere cum concupiscentijs, prorsus in eam sententiam veniunt, esse eos ab omni crimine & malitia immunes. Hoc signis Iustinus martyr olim primorum Christianorum innocentiam agnouit, & ad eorum numerum se aggregauit. Confitetur enim ipse in suis libris, se, cū gentilis esset, cerneretque Christianos martyres summo cum gaudio acerbissimis se obicere tormentis, potius, quàm vt idola colerent, in eam cogitationem venisse, fieri non posse vt tales homines sint flagitiosi. Si enim fuissent, commodis suis studuissent, ac proinde saluos & incolumes se esse voluissent, omni- que conatu durissima tormenta subterfugissent.

Atque hinc discere queunt pietatis studiosi, quibus curæ est animæ salus, quanto studio fugere debeamus superuacaneas carnis delicias & continuæ

Q 7 mor-

*Perion in eius vita, & Surius.*

mortificationi operam dare, ne prauo exemplo alicui præbeamus causam ruinæ, pro quo Christus mortuus est. Hoc perpetuum fuit omnium Sanctorum studium, vt sicut magno zelo ardebant salutis animarum, atque ideò omnes offendiculi occasiones cauebant, ita etiam se proprio solatio multisque commodis ad vitam necessarijs spontè exspoliarent, ac præterea corpus multis pœnitentijs, ad bonum exemplum relinquendum alijs, dixerent. Sanctus Antonius, cum in adolescentia, maximas pœnitentias fecisset, multisque annis incredibiles pugnas cum dæmonibus sustinisset, quauis ad extremam senectam, in qua quieti aliquid dandum videbatur, peruenit, renouare cœpit omnia pristina pœnitentiæ exercitia, ad dandum bonum exemplum alijs, quibuscum tunc versabatur.

*Athan. in e-  
ius vita.*

*Libr. 1. vita,  
6. 42.*

Idem fecit sanctus Franciscus, qui etsi multis mortificationibus, quas initio conuersionis suæ subierat, viribus esset debilitatus & æger, atque idcirco non opus habebat tanta vitæ asperitate ad domandam carnem, quam spiritui iam perfectè subiecerat: tamen vt suo exemplo præiret alijs,

*cic-*

crebro iterabat opera abſtinentiæ & mortificationis. Sciebant nimirum illi ſancti Patres vnam tepiditatis & laxitatis in quibusdam religionibus cauſam eſſe, quod qui recens ingrediuntur religionem, vt habet beatus Bonauentura, oculos conijcere ſoleant in exempla ſeniorum, quod ad poenitentias & mortificationem attinet, non conſiderantes, quid egerint, dum eſſent iuuenes; & ideò nihil imitari volunt, niſi quod in illis viderint, & à primo feruore diſcedunt. Itaque vt huic incommodo occurrerent, à priſtina ſeueritate viuendi nihil remittebant.

Cæterum, quia non omnibus ſuppent vires id præſtandi, nihilominus congruens eſt & iuſtum, vt ſerui Dei in affecta ætate aliqua mortificationis exercitia, quæ vires non excedant, amplectantur, vt omnes intelligant, quanti illa æſtiment, quamque neceſſaria ſint ad virtutum perfectionem aſſequendam, ſequæ non voluntatis, ſed ſanitatis vitio à durioribus corporis caſtigationibus abſtinere.

Sanctus Dominicus, tantum operæ *In eius vitâ,*  
ponebat in hominibus bono exemplo *l. 4. c. 3. 9.*  
auuandis, auertendisque omnibus of-  
fen-

fendiculis, vt ne æger quidem la-  
tiores cibos admittèret, & dum in-  
faceret pedibus, lassusque & sitibun-  
dus diuersorium adiret, ne aquam quæ-  
dem ad satietatem bibere auderet, le-  
cuiquam in re tam parua malum ex-  
emplum daret: vnde ad sitim refra-  
guendam sæpenumerò fontes in-  
inquirebat. O quàm longè ab hoc san-  
ctorum spiritu absunt, qui suis com-  
modis student, & neglecto bono exem-  
plo, id vnum laborant, vt lautè curi-  
culam curent, & cum in vestitu-  
tura in habitatione nihil desiderent,  
quod optari queat. Merito sanè san-  
ctus Bernardus perstringit eos, qui  
in victu, aliisque rebus plus æquo  
sunt solliciti & curiosi, non contenti  
ijs, quæ ad vitam tolerandam suffi-  
ciunt, ac conscientiam eorum stimu-  
lat hæc verbis: *Parce obsecro priusquam  
quidem quieti tuo, parce conscientia. Con-  
scientia, dico, non tue, sed alterius, il-  
lius videlicet, qui propè sedens, & edens,  
quid sibi apponitur; de tuo singulari ieiunio  
murmurat.* Vigilantes igitur sumus  
in cauendis scandalorum occasioni-  
bus, aliisque bonum exemplum præ-  
beamus, vt mortificationis, quæ in-  
strumentum est ad omnes virtutes,  
flu-

Serm. 30. in  
Cant.

studium magnum ab omnibus fiat. Sic enim faciemus rem gratam Domino, qui pro salute animarum vitam profudit, & in virtute meritisque apud Deum magnos progressus faciemus. Quemadmodum enim qui pravo suo exemplo alios impellunt in ruinam & perditionem, tot homicidiorum spiritualium apud Deum rei sunt: sic qui bono exemplo plurimis sectandæ virtutis auctores fuere, vel ad rationes vitæ sanctioris ineundas perduxerunt, totidem meritorum & coronarum immortalium apud Deum participes reddentur.

FINIS I. PARTIS.



PARS